

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Z A K L J U Č A K

o obustavljanju postupka po Zahtjevu za pojedinačno izuzeće privrednog subjekta Porsche BiH

Sarajevo
maj, 2018. godine



Broj: 06-26-4-030-47-II/14
Sarajevo, 08.05.2018. godine

Konkurencijsko vijeće, na osnovu člana 25. stav (1) tačka e), člana 42. stav (2) Zakona o konkurenciji («Službeni glasnik BiH», br. 48/05, 76/07 i 80/09), člana 122. stav (2) Zakona o upravnom postupku («Službeni glasnik BiH», br. 29/02, 12/04, 88/07, 93/09, 41/13 i 40/16), u postupku pokrenutom po Zahtjevu za pojedinačno izuzeće od zabrane sporazuma, podnesenom od strane privrednog subjekta „Porsche BH“ d.o.o. Sarajevo, Igmanska 36, 71 320 Vogošća i postupajući po Presudi Suda BiH broja: S1 3 U 019789 17 U2 od 08.02.2018. godine, na 27. (dvadesetsedmoj) sjednici održanoj dana 08.05.2018. godine, je donijelo

Z A K L J U Č A K

- (1) Obustavlja se postupak pokrenut Zaključkom o pokretanju postupka broj: 06-26-4-030-13-II/14 dana 13.11.2014. godine, a po Zahtjevu za pojedinačno izuzeće od zabrane sporazuma u smislu člana 5. stav (1) Zakona, privrednog subjekta „Porsche BH“, radi odustanka stranke.
- (2) Ovaj Zaključak bit će objavljen u Službenom glasniku BiH, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo dana 08.09.2014. godine pod brojem: 06-26-4-030-II/14, Zahtjev za pojedinačno izuzeće od zabrane sporazuma (u daljem tekstu: Zahtjev), u smislu člana 5. stav (1) Zakona o konkurenciji (u daljem tekstu: Zakon), koji je podnesen od strane privrednog subjekta „Porsche BH“ d.o.o. Sarajevo, Igmanska 36, 71 000 Sarajevo zastupanog po Advokatskom društvu „Marić & Co“ d.o.o. Sarajevo, Mehmeda Spahe 26, 71 000 Sarajevo (u daljem tekstu: Podnosilac zahtjeva ili „Porsche BH“)

Sporazum o konkurenciji (u daljem tekstu: Sporazum) je zaključen dana 01.08.2014. godine između privrednog subjekta Društvo za zastupanje i trgovinu „ASA AUTO“ d.o.o. Sarajevo, Bulevar Meše Selimovića 16, 71 000 Sarajevo kao Prodavca (u daljem tekstu: „ASA AUTO“) uz pristupanje privrednih subjekata Društvo za ekonomski, finansijski i pravni konsalting „ASA HOLDING“ d.o.o. Sarajevo, Bulevar Meše Selimovića 16, 71 000 Sarajevo (u daljem tekstu: „ASA HOLDING“), Društvo za plasman vozila Volkswagen i Audi „ASA PVA“ d.o.o. Sarajevo, na istoj adresi (u daljem tekstu: „ASA PVA“), Društvo za plasman vozila Škoda i Seat „ASA PSS“ d.o.o. Sarajevo, Trg međunarodnog prijateljstva br. 24, 71 000 Sarajevo (u daljem tekstu: „ASA PSS“) i Društvo za plasman vozila „ŠKODA CENTAR“ d.o.o. Bihać, Plješevička 157, 77 000 Bihać (u daljem tekstu: „ŠKODA CENTAR“), s jedne strane i privrednog subjekta „Porsche BH“ d.o.o. Sarajevo, Igmanska 36, 71 320 Vogošća, kao Kupca (u daljem tekstu: Porsche BH“), uz pristupanje privrednog subjekta „Porsche Holding Gesellschaft“ m.b.H, Vogelweiderstrasse 75, 5020 Salzburg, Austrija (u daljem tekstu: „Porsche Holding GmbH“), s druge strane.

Konkurencijsko vijeće je na osnovu navoda iz Zahtjeva i dostavljene dokumentacije, ocijenilo da pojedinačno izuzeće predmetnog Sporazuma, nije moguće utvrditi bez provođenja postupka, te je donijelo Zaključak o pokretanju postupka broj: 06-26-4-030-13-II/14 dana 13.11.2014. godine (u daljem tekstu: Zaključak).

U postupku utvrđivanja pojedinačnog izuzeća sporazuma, Konkurencijsko vijeće je postupak okončalo dana 09.12.2014. godine Rješenjem broj: 06-26-4-030-21-II/14, kojim se odbija Zahtjev privrednog subjekta „Porsche BH“ d.o.o. Sarajevo, jer nisu ispunjeni uslovi iz člana 4. stav (3) Zakona.

Privredni subjekt „Porsche BH“ je putem Advokatske kancelarije „Marić&Co“, pokrenuo upravni spor pred Sudom BiH, protiv Konkurencijskog vijeća, radi poništenja naprijed navedenog Rješenja.

Konkurencijsko vijeće je dana 08.02.2018. godine pod brojem: 06-26-4-030-41-II/14 zaprimilo presudu Suda Bosne i Hercegovine broj S1 3 U 019789 17 U2 od 08.02.2018. godine kojom se uvažava tužba tužitelja „Porsche BH“, osporeno Rješenje Konkurencijskog vijeća broj: 06-26-4-030-21-II/14 od 09.12.2014. godine, se poništava i predmet vraća Konkurencijskom vijeću na ponovno odlučivanje po zakonu.

Naprijed navedenom presudom je, između ostalog, Konkurencijskom vijeću naloženo da tužitelju, privrednom subjektu „Porsche BH“ nadoknadi troškove sudskog postupka, pa je Konkurencijsko vijeće u cilju postupanja po navedenom uputilo zahtjev za dostavu podataka broja: 06-26-4-030-45-II/14 dana 14.03.2018. godine, kojim se također od privrednog subjekta „Porsche BH“ tražilo da se očituje da li je i dalje zainteresovan za vođenje postupka po Zahtjevu.

Privredni subjekat „Porsche BH“ je dana 27.03.2018. godine podneskom broj: 06-26-4-030-46-II/14 putem Advokatsko društvo „Marić & Co“ i to advokat Ezmana Turković, dostavio tražene podatke i obavijestio Konkurencijsko vijeće da nije zainteresovan da dalje vodi postupak pokrenut radi pojedinačnog izuzeća.

U skladu sa članom 122. stav (1) Zakona o upravnom postupku, stranka može odustati od svog zahtjeva (cijelog ili dijela) u toku cijelog postupka. Takođe, članom 123. stav (1) Zakona o upravnom postupku je određeno da stranka može odustati od svog zahtjeva podnošenjem pismene izjave organu koji vodi postupak.

Na osnovu navedenoga, a u vezi sa članom 122. stav (1) Zakona o upravnom postupku, Konkurencijsko vijeće je odlučilo kao u dispozitivu ovog Zaključka.

Administrativna taksa

Na ovaj Zaključak Podnosilac zahtjeva, u skladu sa članom 2. Tarfina broj 108. stav (1) tačka b) Odluke o visini administrativnih taksi u vezi sa procesnim radnjama pred Konkurencijskim vijećem («Službeni glasnik BiH», br. 30/06 i 18/11) je obavezan platiti administrativnu taksu u iznosu od 500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednik

Ivo Jerkić